

## Inunnik silaannakkut angallassinermut aalajangersakkat

---

BL 11-40

# Timmisartoqarfinnut Greenland Airports Regionalimit ingerlanneqartunut malittareqqusat pillugit aalajangersakkat

## Saqqummersitaq 2, xx. november 2024

Kalaallit Nunaanni silaannakkut angallanneq pillugu inatsimmi § 70, § 149, imm. 10 malillugit, tak. inatsimmik nalunaarut nr. 76, 24. januar 2024-meersoq, Trafikstyrelsen Transportministeriamit piginnaatin-neqarnermigut, tak. Trafikstyrelsen malittarisassiaasigut Trafikstyrelsen suliassai oqartussaaffiilu, naammagittaalliorsinnaatitaaneq aamma nalunaarutit pillugit nalunaarut nr. 1625, 12. december 2023, matumunna aalajangersarpaa:

### 1. Allagaatit attuumassuteqartut

- 1.1. BL 3-6, Silaannakkut angallatinik orsiineq, sulisut orsiisartut/orsiinermik kiffartuussineq aamma orsiisarfiit pillugit aalajangersakkat, saqqummersitaq 3, 6. december 2010-meersoq.
- 1.2. BL 3-12, Pisortat timmisartoqarfiini sulianik ingerlatsinerit, saqqummersitaq 1, 1. september 1984-imeersoq.
- 1.3. BL 7-1, Silaannakkut angallannermi malittarisassat pillugit aalajangersakkat, saqqummersitaq 16, 27. september 2017-imeersoq.
- 1.4. Kalaallit Nunaanni angallannermut inatsit, tak. inatsimmut nalunaarut nr. 995, 26. oktober 2009-meersoq.
- 1.5. Silaannakkut angallannermi isumannaatsuunerup (security) pinerlunnikkut eqqugaasinnaaneranik pitsaaliuineq pillugu Kalaallit Nunaannut nalunaarut nr. 362, 27. marts 2023-meersoq.
- 1.6. Kalaallit Nunaanni pinerluttulerinermi inatsimmut nalunaarut, nr. 1187, 18. september 2023-meersoq.
- 1.7. Allagaatit, imm. 1.1-imiit 1.3-mut taaneqartut, Retsinformationip nittartagaani [www.retsinfo.dk-mi](http://www.retsinfo.dk-mi) aamma Trafikstyrelsenip nittartagaani [www.trafikstyrelsen.dk-mi](http://www.trafikstyrelsen.dk-mi) nassaarineqarsinnaapput.
- 1.8. Allagaatit, imm. 1.4-miit 1.6-mut taaneqartut [www.retsinfo.dk-mi](http://www.retsinfo.dk-mi) pissarsiassaangillat. Allagaatit naqitami Lovtidende A-mi saqqummersitaapput.

### 2. Nassuiaatit



- 2.1. AFIS (Aerodrome flight information service): Timmisartoqarfimmi paasissutissiineri kiffartuussineq.
- 2.2. Sumiiffik biilnut pas-eqarfik (Vehicle pass area): Timmisartoqarfimmi sumiiffimmi killilikkami, qamutini motorilinnik angallannermut akuersissutit immikkut ittut piunasaqaataapput.
- 2.3. Kalitsinnerit (Towing): Qamutini motorilinnik ikiorteqarluni timmisartumik kalissinerit.
- 2.4. Timmisartoqarfimmi sumiiffik assersorsimasoq (Airside): Timmisartoqarfiup immikkoortorta taanna, ungalulersugaavoq, nalunaarsuutini allagartalersugaalluni il. il. taamaalilluni silaannakkut angallatinik, inunnik ilaasunik imaluunniit nassiusanik tigooraavinni sulisunit killilimmik ingerlanneqartussaalluni.
- 2.5. Timmisartoqarfimmi aqutsisoqarfik (Aerodrome Management): Ingerlatsivik taanna, Trafikstyrelsenimit ulluinnarni ingerlatsinermit aammalu ulluinnarni sumiiffiup nakkutigineqarnissaanut pisussaatinneqarpoq.
- 2.6. Timmisartoqarfiup illutaata sioraani timmisartumut inissiiffik (Apron): Timmisartoqarfiup iluani killilimmik immikkoortorta, taanna timmisartunut inissiiffissatut atugassiaavoq soorlu ilaasut ikiorarneranni nioorarneranni imaluunniit nassatanik niooraallunilu ikioranerimi, orsersornerimi timmisartup uninnganerani inissiiffittut imaluunniit aserfallatsaaliinerimi. (Tower): Suliaqarfik, timmisartoqarfimmi angallattoqartillugu nakkutilliinerimi kiffartuussinermik iluaqutaasusaaq.
- 2.7. Qamutit motorillit (Vehicle): Assakaasullit, qitequtillit, ulamertunik kaavittullit, perrasaatit allalluunniit, ingerlassutaasusaaq.
- 2.8. Timmisartut (Aircraft): Silaannakkut angalanerimi silaannaap naqitsineranik akiuussinnaasunngorlugit sanaajusut, aqqissuussaanerani silaannarmik nunap qaavaneersumik silaannalersugaanera eqqaassanngikkaanni.
- 2.9. Silaannakkut angallassinermi kiffartuussineq (Air traffic service - ATS): Kiffartuussinermi makku suliaasaapput:
  - a. Timmisartut angalasut aporaatilersinnaanerisa pinaveersaartinnissaat,
  - b. timmisartut tikinnerminni aallalernerminnilu ingerlaarfiini ajutoortoqannginnissaanik akornuserneqannginnissaanillu pinaveersaartitsinissaq,
  - c. silaannakkut angallannermit siuarsaallunilu aqqiissuteqartarneq,
  - d. timmisartumik angalanerup isumannaatsuunissaa eqaatsumillu periuseqarnissaa pillugu siunnersuillunilu paasissutissiinissaq aammalu
  - e. nakkutilliinermik qitiusoqarfimmut aammalu timmisartumik angalanerimi paasissutissiinermik qitiusoqarfimmut aammalu timmisartunik annaassiniarneq pillugu qitiusoqarfimmut nalunaaruteqartarnissaq, soorlu ujaasisoqartussanngortillugu annaassiniartoqartussanngortilluguluunniit, pisariaqarpallu tamatumunnga ikiutissalluni.

- 2.10. Silaannakkut angallannermi kiffartuussivik (Air traffic services unit): Ataatsimut taaguutigineqartut makkuupput: Timmisartut pillugit aqutsisoqarfik, Timmisartoqarneq pillugu paasissutissiinermi aqutsisoqarfik, allaffiit silaannakkut angallannermut aammalu AFIS-imut tunngasunik nalunaartartut.
- 2.11. Timmisartut mereernerini aallalernerinilu ingerlaarfiit (Manoeuvring area): Timmisartoqarfiup iluani tassaniittumi, timmisartoq aallartinneqarlunilu mitsinneqartassaaq tassa timmisartoq biillilluunniit tassani ingerlasinnaassapput, ikiartortarfiup nalaaniunngitsoq.
- 2.12. Aserfallatsaaliilluni misissuivik (Maintenance area): Timmisartoqarfiup ilamernga killilik, tassani timmisartumik inissiisoqarlunilu aserfallatsaaliisoqartarnissaa taamaallaat naatsorsuutigineqarpoq, aamma inuussutissarsionermik siunertaqarluni ilaasussanik ikioraatitsisoqassanngilaq ilaasunilluunniit niutitsisoqarluni.
- 2.13. Qamutit orsiissutit (Fuelling vehicle): Qamutit orsiissutit immikkuulluunniit akuerisat timmisartumik orsiinermut atugassiat.
- 2.14. Orsiiviit (Fuelling area): Orsiiviit, timmisartumik orsiinermi ikuallajasinnaasut.
- 2.15. Angallaffiit (Traffic area): Timmisartoqarfiup iluani tassaniittumi, timmisartoq aallartinneqartassaaq, mitsinneqartassaaq aammalu ingerlasinnaassaaq, matumani timmisartup mereernerani aallalerneranilu ingerlaarfiit aammalu aallalernermi tikinnermilu uninngaviit tassani aamma ilaapput.

### **3. Atuuffia**

- 3.1. BL pineqartoq, timmisartoqarfinni pisortatigoortumik akuerisaasuni Greenland Airports Regionalimiit ingerlanneqartunut atuuppoq, aqquuserngit aamma biilnut inissiiviit, timmisartoqarfimmi assersorsimasumi, sumiiffiit allat timmisartoqarfiup ingerlanneqarneranut atugassiatut aqqissuussat ilaatinneqarlutik, tassunga ilagitillugit ledningit uuliamut atortut, qulliit miffissami nalunaaquttat, orsiiviit, innaallagissamik pilersuiviit, imermik pilersuiviit, garaget aamma sumiiffiit sungiusartarfiit, timmisartoqarfiup ilaasunut aallariartortarfiini tamat uninngaffisisinnaasaat, tak. ilanngussaq, tulliuttuni ataatsimut timmisartoqarfimmik taaguuteqartinneqarput.
- 3.1.1 Taamaattoq angallannermut inatsimmi immikkoortoq 6-imi amma immikkoortoq 8-mi ilaatitsinnginnerit immikkut ittut atuutissanngillat aqqusinernut aamma inissiivinnut timmisartoqarfiup assersorsimasup avataaniittunut.
- 3.2. Angallannermut inatsit BL-mi taaneqartoq, Kalaallit Nunaanni angallannermut inatsisitut paasineqassaaq.

### **4. Iserinnaaffiit**

- 4.1. Qamutit motorillit inuillu inatsisit malillugit akuerisaasut kisimik timmisartoqarfimmut assersimasup iluaniittumut isersinnaatitaapput.
- 4.2. Tikittut aallartussallu timmisartoqarfiup ungalusaata iluaniissagunik taamaallaat isertarfikkuussapput timmisartoqarfiup aqutsisuisa akuersissutigisimasaatigut.

- 4.3. Tikittut aallartussallu timmisartoqarfiup iluani ungalusaasup iluaniittut isernissamut akuersissummik pissusissamisoortumik kajumissaarneqanngikkaluarlutik takutitassaqaartussaapput.
- 4.3.1 Kinaassutsimut uppersarsaat imaluunniit isernissamut akuersissut timmisartoqarfiup aqutsisuinit atuutilersinneqarsimasoq aamma Greenland Airports Regionalimit akuersissutigineqarsimasoq atorlugu aatsaat atorfirmut tunngasumik suliassaqaarluni timmisartoqarfiup ungalusaata iluanut isertoqarsinnaavoq.
- 4.4. Timmisartoqarfiup aqutsisuisa piumasarisinnaavaat qamutit motorillit timmisartoqarfiup ungaluusap iluani ingerlasussat bilpas-eqarnissaat.
- 4.4.1 Timmisartoqarfiup aqutsisuisa malittareqqusinera malillugu bilpas-si tunniunneqartassaaq takujuminartumiitsinneqassallunilu.
- 4.5. Silaannakkut angallannerup isumannaatsuuneranut pinerliisoqarsinnaanera pinaveersaartinniarlugu aaqqiinerit suliarineqassapput, silaannakkut angalanerup isumannaatsuunissaa pillugu pinerliisoqannginnissaanut pinaveersaartitsineq pillugu malittarisassani atuuttuni piumasaqaataasut, taakkualu malillugit isumannaallisaanermut pilersaarutit Trafikstyrelsenimit akuerisaasut tunngavigalugit, tak. silaannakkut angallannermi isumannaatsuunerup (security) pinerlunnikkut eqqugaasinnaaneranik pitsaaliuineq pillugu Kalaallit Nunaannut nalunaarut nr. 362, 27. marts 2023-meersoq.
- 4.5.1 Immikkoortumi 4.5-mi piumasaqaatinut tunngatillugu kinaluunniit suleqataarusunngitsoq timmisartoqarfimmut iseqqusaanngilaq.

## **5. Uninnganeq**

- 5.1. Kinaluunniit timmisartoqarfiup ungalui qaangerlugit isersimasoq pinngitsoorani isersimasinnaatitaanermut allagartamik akuerisaasumik nassataqassaaq, sunalu siunertaralugu tassani isersimanini ilisimatitsissutigissallugu.
- 5.1.1 Isersimasinnaatitaanermut uppersarsaat timmisartoqarfiup ungalui killigititaasut iluini isersimasup erseqqissumik tigummissavaa.
- 5.1.2 Inuit isersimasinnaatitaanermut uppersarsaateqaratik isersimappata imaluunniit atorfirmut atatillugu suliaqaratik tassaniippata, matumani aamma timmisartumi ilaasut nalinginnaasumik sumiiffissaanniinngippata timmisartoqarfimmi aqutsisunit anisinneqarsinnaapput. Anisinneqartut timmisartoqarfimmi aqutsisup peqqusineranut malinninngippata politiinut nalunaarutigineqassapput.
- 5.2. Timmisartoqarfimmi aqutsisut timmisartunut ilaasut uninnganerini, silaannakkut angallatit aamma qamutit motorillit orsersornerini, inissinnerini aamma isumannaallisarneqarnerini il. il. timmisartoqarfimmi atuisunut nalinginnaasumik imaluunniit aalajangersimasumik inissiffissanut innersuussinissamut pisinnaatitaapput.
- 5.2.1 Ikiorssiutinik atuilluni silaannakkut angallatinik aallartitsineq, kissassiineq, motorinik misilittaaneq kiisalu kissaassiineq, nillusaaneq il. il. taamaallaat ingerlanneqarsinnaavoq sumiiffinni, timmisartoqarfimmi aqutsisut innersuussaanni, aammalu eqqaani illunut, hangarenut, timmisartunut ingerlasunut aamma uninngasunut il. il. pisariaqartumik mianerinnittumik ingerlanneqassalluni aammalu taamaalillutik nipiliortitsinerit il. il. sapinngisamik killilersimaarneqarlutik.

- 5.2.2 Timmisartup ilaasuunik, nassiussanik imaluunniit allakkanik niooraaneq aamma ikioraaneq taamaallaat ingerlanneqassaaq timmisartoqarfiup saavata tungaani.
- 5.3. Timmisartoqarfiup ingerlanneqarnissaa timmisartukkullu angallannerup pilersaaruisorneqarnissaa pillugit aqutsisut peqqussutinik erseqqinnerusunik aalajangersaasinnaapput.
- 5.3.1 Peqqussutit taamaattut malinneqanngippata aqutsisup atuisup pineqartup inissisimaffimmik atuinera inerteqqutigilersinnaavaa.
- 5.4. Timmisartut, atortulersuutit assigisaalluunniit ikuallanneq peqqutigalugu, soorlu timmisartumik ajunaarnikkut allallunniit, silaannakkut angallanneq pillugu inatsimmi § 135-mi aamma § 136-mi ilaatinneqanngitsut, pissutigalugit mittarfimmi inissamut akornutaalerpata piffissaq sivikitsaq atorlugu timmisartoqarfimmi aqutsisoqarfimmiit atuisoq piginnittorluunniit peqquneqarsinnaavoq akornutaalersoq peeqqullugu.
- 5.4.1 Immikkoortoq 5.4-mi aalajangersagaq malillugu peqqussut malikkumaneqanngippat, timmisartoqarfimmi aqutsisoqarfik pisinnaatitaavoq timmisartoq pineqartoq assigisaaluunniit atuisup piginnittulluunniit aningaasartuutigisassaanik peernissaanut, peerneqarneranilu atuisoq / piginnittorlu taakkualu sillimmasiisarfittut atugaat piffissaq sioqqullugu tamatumingga nalunaaruteqarfigineqassapput.

## **6. Angallanneq**

- 6.1. Ataani immikkoortoq 6.4-mi silaannakkut angallanneq pillugu aalajangersakkat aamma immikkoortumi 6.5-mi tunuarsimasussaannermut malittrisassat eqqaassanngikkaanni Kalaallit Nunaanni angallannermut inatsit atuuppoq, taamaattorli timmisartoqarfimmi aqutsisut aamma silaannakkut angallannermut kiffartuussisut peqqussutaat malinneqassapput.
- 6.2. Timmisartoqarfiup aqutsisuinit uniffissatut innersuunneqartut avataaniittuni immikkut akuerisaasimannikkaanni biilnik inissiineq inerteqqutaavoq. Angallannermut inatsit aamma ussersornermut, skilt-ilersornermut, kalerrisaarinermut, titarnilersuinermut, qamutit motorillit angallaviini titarnilersuinermut il. il. aalajangersakkat atuupput, angallannermut inatsit naapertorlugu aalajangersakkat.
- 6.3. Timmisartup mereernerani aallalerneraniluunniit ingerlaviit qamutininik motorilinnik angallavigneqassappata tassuunaarniartut tamarmik ataasiakkaarlutik silaannakkut angallannermut kiffartuussisoqarfimmiit akuerisaaqqaarsimassapput.
- 6.3.1 Taamaattoq silaannakkut angallannermut kiffartuussisoqarfiup timmisartoqarfimmi aqutsisut isumaqatigiissuteqarfigereernerisigut, atorfimmi sulinermut atatillugu qamutininik motorilinnik timmisartup mereernerani aallalerneranilu ingerlavitsigut imaluunniit ingerlaviit ilaatigut ingerlasoqarsinnaaneranut nalinginnaasunik akuersissutinik atuutilersitsisinnaavoq, qamutit motorillit Greenland Airports Regionalimit imaluunniit oqartussaqaarfinit allanit pigineqarsimappata, taamaalillutik qamutit motorillit imm. 6.3.2-mi piumasqaatit taamaallaat naammassisussaallugit.
- 6.3.2 Timmisartoqarfiup iluani ingerlavigeqqusaasumi ingerlasoqartillugu qamutit radiotelefonimik akuerisaasumik atortoqassapput, aammalu atasuinnarmik FM-ikkut nakkutilliilluni tusarnaartoqassaaq. Qamutip motorillip qanittumut qullii aamma qullia

ikittaartoq ikumassapput. Greenland Airports Regionalip radioqarnikkut malittareqqusai malinneqassapput.

- 6.3.2.1 Qamutit motorillit qamummik allamik akuerisamik radiotelefonianlæg-eqartumik ingiaqartillugit radiotelefonianlæg-eqassanngillat.
- 6.4. Silaannakkut angallatinut namminneq ingerlasinnaassusilinnut silaannakkut angallannermut malittarisassat atuupput, tak. BL 7-1.
  - 6.4.1 Silaannakkut angallatit ingerlasut, namminneq nukitik atorlugit ingerlagunik imaluunniit kalinneqarunik BL 7-1 naapertorlugu qullii (lanterneføring) inissinneqassapput. Taamaattoq timmisartoqarfiup killigitaata avataani qullilerfik taama ittoq (lanterneføring) angallannermut inatsimmi aalajangersakkat naapertorlugit allamik nalunaaqutsikkamik taarserneqarsinnaavoq, silaannakkut angallat kalinneqarpat, aammalu qullilersuutit pillugit BL 7-1-mi aalajangersakkat naammassineqarnissaat periarfissaanngippat.
    - 6.4.1.1 Silaannakkut angallatit timmisartoqarfiup iluani kalinneqartillugit qamutit kalittut qullia kaavittoq ikumassaaq.
    - 6.4.2 Silaannakkut angallatit hangarimut eqqunneqarnerini imaluunniit anillatsinneqarnerini mootorii ikumassanngillat.
    - 6.4.3 Silaannakkut angallatit eqqullugillu anillatsinnerini, aallartinnerini qaminnerini timmisartoqarfiup iluani illut eqqaaniittut, biilnik inissiisarfii, hangarit aammalu silaannakkut angallatit allat meqqammerlutik ingerlasut il. il. pisariaqartumik mianerineqassapput, sapinngisamillu nipiliortut appasinnerpaamiitinneqassapput.
- 6.5. Timmisartut mittarfimmi namminneq ingerlatillugit, allat qamutit motorillit tamarmik pinngitsooratik tunuarsimasussaataapput.
  - 6.5.1 Inuit qamutillu motorimik ingerlassutillit, timmisartumik ingerlasumik ilitsersuitillugit, ingerlasut allat tamarmik pinngitsooratik tunuarsimasussaataapput, imm. 6.5-mi taaneqartoq kisiat ilanngunnagu.
    - 6.5.1.1 Silaannakkut angallatip aamma inuit imaluunniit qamutit mootorillit tassanga ilitsersuisuusut akornanni angallanneq inerteqqutaavoq.
  - 6.5.2 Silaannakkut angallatit, kalinneqarnertut, imm. 6.5-imi aamma 6.5.1-imi taaneqartut minillugit, pinngitsooratik tunuarsimasussaataapput.
  - 6.5.3 Qatserisartut aamma annaassinianermut atortut qamutit motorillit kiisalu timmisartortartut qamutaat ikiuiartortut kisiisa minillugit, angallannerit allat tamarmik imm. 6.5.1-imi aamma 6.5.2-mi taaneqartut tunuarsimasussaataapput.
  - 6.5.4 Inuit timmisartumi ilaasut mittarfimmi pisunnerini suulluunniit angallassitutit tamarmik tunuarsimasussaataapput.
- 6.6. Orsertarfiit iluini qamutinik motorilinnik angalaneq BL 3-6 naapertorlugu pissaaq.

- 6.6.1 Timmisartut uninngasarfiini qamutinik motorilinnik orsiinerit assigisaaluunniit taamaallaat pissapput uninngavinni nalunaaqutsineqarsimasuni. Taamaattoq pisuni tamani silaannakkut angallatinut ungasissuseq minnerpaamik 20 meteriussaaq.
- 6.7. Kabelinik silaannakkut angallatinut pilersuisunik aqqutaluginninneq inerteqqutaavoq, imaassimangippat ingerlatseqatigiiffiup pineqartup nammineq silaannakkut angallatiminik isumaginninnermini tamanna illersorneqarsinnaasutut aamma pisariaqartutut isigigaa.

## **7. Ajutoorneq**

- 7.1. Timmisartoqarfimmi ajutoornerit aamma pisut il. il. inuup ajoquserneranik, atortut annertuumik ajoqusernerinik kinguneqartut imaluunniit timmisartoqarfiup ingerlanneqarneranut kinguneqartut, piaarnerpaamik timmisartoqarfiup aqutsisuiunut nalunaarutigineqassapput.
- 7.1.1 imm. 7.1-mi aalajangersakkap, silaannakkut angallanneq pillugu inatsimmi § 137 malillugu Havarikommisionen for Civil Luftfartimut nalunaarutiginnittussaataaneq atorunnaarsissinnaanngilaa, imaluunniit timmisartukut angallanneq pillugu inatsimmi § 89 b malillugu aalajangersakkat malillugit Trafikstyrelsenimut.
- 7.2. Taamaattoq qamutinik motorilinnik ajutoortoqartillugu aamma politiiunut nalunaarutiginnittoqartassaaq, inummik ajoqusertoqarsimappat, atortutigut annertuumik ajoqusertoqarsimappat, imaluunniit ajutoorneq politiiinit suliarineqartariaqartutut nalilerneqarpat.

## **8. Qamutit motorillit il. il.**

- 8.1. Qamutit motorillit, timmisartoqarfimmi atorneqartut, angallannermut inatsit naapertorlugu ilusilersugaanermut aamma atortulersugaanermut il. il. piumasaqaatit pillugit aalajangersakkanik naammassinnittussaapput, imaassimangippat immikkut ittumik akuersissut politiiinit nalunaarutigineqarsimasoq.
- 8.1.1 Angallannermut inatsimmi qamutinut motorilinnut aalajangersakkatigut silinnerpaaffissaliinerit, portussusiliinerit, angissusiliinerit, oqimaassusiliinerit, biilip oqimaassusiata akselinut naqitsineqassuserisassaanik killiliinerit, mittarfimmi atorneqartartunut atuutinngillat.
- 8.2. Qamutit motorillit, angallannermut inatsit malillugu kørekort-eqarnissamik piumasaqaateqarfiusut, timmisartoqarfiup iluani taamaallaat ingerlanneqarsinnaapput, inunnit tassunga qamutimut pineqartumut atuuttumik kørekort-eqartunit. Tamanna aamma atuuppoq qamutinut politiiinit nalunaarsorneqarnissamut piumasaqaateqarfiunngitsunut.
- 8.3. Qamutit motorillit, timmisartoqarfiup iluani atorneqartut, angallannermut inatsimmi malittarisassat naapertorlugit akisussaanermut sillimmaserneqarsimassapput.

## **9. Torersuutitsinermi malittarisassat**

- 9.1. Timmisartoqarfiup iluani timmisartoqarfiup ingerlanneqarneranut akornusiisumik imaluunniit kikkut tamarmik isersimaffianni akornusiilluni nipituuliorneq, nakuuserneq kanngunartuliorneq imaluunniit allatut ileqqulersorneq inerteqqutaapput.

- 9.2. Orsertarfiit eqqaanni, timmisartoqarfiit saavata tungaanni, hangarimi, timmisartut eqqaanni, ikummatissaqarfiilluunniit eqqaanni aamma assigisaanni pujortartoqaqqusaanngilaq aammalu innermik ikitsisoqaqqusaanani. Tamanna inerteqqut aamma qamutini motooritalinni inunnut atuuppoq.
- 9.3. Timmisartoqarfiup eqqaani ammasumik ikuallaasoqassappat, tassunga ilagitillugu eqqagassanik aamma assigisannik ikuallaaneq, taamaallaat timmisartoqarfiup aqutsisuisa akuersinerisigut pisinnaavoq.
- 9.4. Eqqakkanik igitsineq, imerpalasunik aamma assigisaanik imaarsineq taamaallaat timmisartoqarfiup aqutsisuisa innersuussutaat malinneqarpata pisinnaapput.
- 9.5. Timmisartoqarfiup assersorsimasup iluani timmisartoqarfiup aqutsisuinit akuersissuteqartinnani akuutissanik ikuallajasunik, qaartartunik, toqunartunik, bakteriekulturinik, qingnornilinnik ulorianartunik, kemikalianik neriuisartunik, sakkussanik kiisalu atortuni allanik imaluunniit akuutissanik, mianersuaalliornikkut peqqissutsimut aamma pigisanut ulorianarsinnaasunik, imaluunniit narlungunarnermikkut avatangiisinut ajoqusersuutaasinnaasunik nassarneq imaluunniit toqqortaqrneq inerteqqutaapput.
- 9.6. Radio atorlugu sumiissusersiornermi aamma attaveqaqatigiinnermi il. il. isumannaatsuunermik mianerinnilluni timmisartoqarfimmi aqutsisut atortunik elektriskiusunik, soorlu mobiltelefoninik, walkietalkinik aamma transistorradiationik il. il. timmisartoqarfimmi atuneq inerteqqutigisinnaavaat. Atuinissamut inerteqquteqrneq ingerlaannaq malinneqassaaq.
- 9.7. Timmisartoqarfiup assersorsimasup iluani kiisalu timmisartoqarfiup illutaasa iluini timmisartoqarfiup aqutsisuinit akuersissuteqartinnani inuussutissarsiornermut atatillugu uninngasoqassanngilaq, inuussutissarsiornermut atatillugu imaluunniit ilinniartitsissutissatut atugassanik filmimut / videomulluunniit immiussisoqassanngilaq, katersisoqassanngilaq, naqitanik agguaasoqassanngilaq imaluunniit plakatinik nivinngaassuisoqassanngilaq.
- 9.7.1 Timmisartoqarfiup assersorsimasup iluani assiliineq, filmiliorneq aamma videoliorneq inerteqqutaapput, tamanna allagartaliinikkut allanneqarsimappat, imaluunniit isumannaallissaneq tunngavigalugu timmisartoqarfiup aqutsisuisa tamanna inerteqqutaatippassuk, soorluttaaq timmisartoqarfiup aqutsisuisa peqqussutaat aamma innersuussutaat allat malinneqassasut.
- 9.8. Timmisartoqarfiup aqutsisuinit immikkut ittumik akuersissuteqartinnani uumasut timmisartoqarfiup assersorsimasup iluanut imaluunniit timmisartoqarfiup illutaasa iluinut tamat isersimaffigisinnaasaannut nassarneqaqqusaanngillat.
- 9.9. Timmisartoqarfimmi suliaqrneq sunaluunniit BL 3-12-imi aalajangersakkat naapertorlugit naammassineqassaaq, aamma timmisartoqarfiup assersorsimasup iluani sulineq timmisartoqarfiup aqutsisuinit ilitsersorneqarnikkut aamma nakkutigineqarnikkut ingerlanneqassaaq.

## **10. Immikkut akuersissutit**

- 10.1. Trafikstyrelseni pisuni immikkut illuinnartuni imm. 4.5-imi, imm. 6.3.2-mi, imm. 6.4-mi, imm. 6.4.1-imi, imm. 6.4.1.1-imi aamma imm. 6.6-imi aalajangersakkanik saneqqussilluni akuersissuteqarsinnaavoq, aalajangersakkani pineqartuni mianerinninnernut tunngavigisanut tamanna naapertuuttutut nalilerneqarpata.



10.2. Timmisartoqarfimmi aqutsisut pisuni immikkut illuinnartuni immikkoortumi 4-mi aalajangersakkanik saneqqussilluni akuersissuteqarsinnaavoq, imm. 4.5-imi, imm. 5-imi, imm. 6.1-imi, imm. 6.2-mi, 6.4.2-mi, imm. 6.6.1-imi aamma immikkoortoq 9-mi aalajangersakkat ilanngunnagit, aalajangersakkani pineqartuni mianerinninnernut tunngavigisanut tamanna naapertuuttut nalilerneqarpat. Taamaattoq timmisartoqarfimmi aqutsisut imm. 6.1-imi namminneq peqqussutiminnit immikkut akuersissuteqarsinnaapput.

## **11. Arsaarinnineq**

11.1. Timmisartoqarfimmut isersinnaaneq, timmisartoqarfimmi uninngasinnaaneq aamma angalasinnaaneq pillugit aalajangersakkanik ingasattumik imaluunniit arlaleriartumik unioqqutitsinermut, tak. immikkoortoq 4, immikkoortoq 5, aamma immikkoortoq 6, timmisartoqarfimmi aqutsisut kinaassutsimut uppernarsaatini imaluunniit isersinnaanermut tunngavinnik atuutilersinneqarsimasunik arsaarinnissinnaatitaapput.

## **12. Malaaruteqarsinnaatitaaneq**

12.1. Imm. 5.3.1 malillugu timmisartoqarfiup aqutsisuisa inerteqqutigisai aamma imm. 5.4 malillugu inassutaat Trafikstyrelsenimut malaarutigineqarsinnaapput, tak. Kalaallit Nunaanni timmisartoqarfinni torersuutitsinermut malittarisassat pillugit nalunaarummi nr. 708, 14. august 1992-imeersumi § 11, imm. 2, aamma § 12.

## **13. Pillarneqaatissat**

13.1. Imm. 4.1-imiit 4.3.1-imut, imm. 4.4.1-imi, immikkoortoq 5.1, imm. 5.1.1-imi, imm. 5.2.1-imi, imm. 6.2-mi, oqaaseqatigiit 1.-mi, imm. 6.3-mi, imm. 6.3.2-mi, imm. 6.4-miit 6.6.1-imut aamma immikkoortoq 9-mi aalajangersakkanik unioqqutitsineq kiisalu imm. 4.4 malillugu inassummik malinninnginneq Kalaallit Nunaanni pinerluttulerinermi inatsit malillugu pineqaatissinneqarnermik kinguneqarsinnaapput.

## **14. Atuutilersitsineq**

14.1. Una BL atuutilissaaq ulloq 28. november 2024.

14.2. Taamatuttaaq BL 11-40, saqqummersitaq 1, 15. august 2003-meersoq Kalaallit Nunaanni Mittarfeqarfinnit ingerlanneqartunut timmisartunut mittarfinnut malittarisassat pillugit maleruagassaq atorunnaarsinneqassaaq.

*Trafikstyrelseni, ulloq XX*


Nanna Møller

/ Henrik Ellermann



Kakkiussaq

**Ilulissat/Jakobshavn Lufthavn**




- SIGNATURER:**
- Anvendelsesområde for BL 11-40
  - - - - Grænse for manøvreområde
  - - - - Lufthavnens hegn


Note: Tegningen er ikke målfast.

Ilulissat Lufthavn

# Mittarfik Kulusuk



Mittarfik Kangerlussuaq



**Note**

Kortgrundlag er fra Kort- og Matrikstyrelsen.  
Baneretning er 126,977/306,977 med nord, 1995.

Koordinater i WGS-84 system (UTM Zone 22) er:

	Northing (Y)	Easting (X)
Vestlige terskel	7255560.32	410278.95
Baneretning	7255609.97	409987.24
Aerodrome Reference Point	7256059.63	409655.52
Vestlige terskel	7255708.03	410404.66
DME	7255137.84	410802.33
Radiofy		

**Note**

Kortgrundlag  
Baneretning  
Geografiske  
Koordinater

Vestlige tårn  
Aerodrome  
Østlige tårn  
Radiofy  
DME


Nordretningens afvikling fra kortets Y-akse er angivet.  
Baneretningen er 126,977 /306,977 med nord og ca. 184° /344° med magnetisk nord.  
Banens koteriveau er 28,0

Østlige terskel har kote 27,47 og vestlige terskel 25,97 og middelhøden er 0,2%  
Alle ubenævnte mål, koordinater og koter er angivet i meter

**Signatur**

- Udsprængningsflade
- Pfyldningsflade
- Aerodrome Reference Point
- Vindmåler
- Vindpose
- Kort- og indflyvningslys

- PAPI-armaturer
- S
- Slynghøjdemåler
- BR
- Brandevælsplads
- BL 11-40
- Manøvreområde
- Hejn
- Løjrdepot



**Mittarføgarfiit**  
Grønlands lufthavnsvæsen


Postboks 1036  
3900 Nuuk  
Telefon 328005  
Telefax 328019

**Projekt: Flyvepladshåndbog**

DAK: <b>MANIITSOQ LANDINGSBANE</b>	Ark. nr. TEK. nr.
<b>BL 11-40 og manøvreområde</b>	<b>07.01</b>
SKAL : 1:8000	UDG. NR. : 001
DATO : 2011.09.08	REVIS. NR. : 001
TITEL : PNE	UDG. NR. : 001

Bilag

# Mittarfik Narsarsuaq




SIGNATURER:  
—— Anvendelsesområde for BL 11-40  
----- Grænse for manøvreområde  
-·-·-·- Lufthavns hegn

Note: Tegningen er ikke målfast.

Narsarsuaq Lufthavn  
BL 11-40 og manøvreområde



# Mittarfik Nerlerit Inaat



SIGNATURER:  
—— Anvendelsesområde for BL 11-40  
----- Grænse for manøvreområde  
- · - · - Lufthavnens hegn

Note: Tegningen er ikke målfast.

Nerlerit Inaat/Constable Pynt Landingsbane  
BL 11-40 og manøvreområde